

Broj protokola: 191/12
01.06.2012.

POZIV ZA MEDIJE

Poštovani,

Centar za kulturu dijaloga nastavlja sa promocijom prava osoba zaraženih HIV-om i oboljelih od AIDS-a kroz aktivnosti koje su posebno kreirane za učenike osnovnih i srednjih škola i njihove nastavnike i profesore.

Izuzetna nam je čast pozvati vas na Seminar i interaktivnu radionicu „Kroz debatu saznajmo više o HIV-u“ čije održavanje i implementaciju podržava UNDP. **Seminar će biti održan 02. i 03.06.2012. u hotelu „Grand“ u Sarajevu. Otvaranje Seminara je planirano u subotu 02.06.2012. u 12:00 sati.**

Učesnici dolaze iz gradova: Bijeljine, Bosanske Krupe, Brčkog, Čelića, Goražda, Gračanice, Doboj Istoka, Donjeg Vakufa, Hadžića, Ilijaša, Istočnog Sarajeva, Kladnja, Konjica, Mostara, Novog Grada, Pala, Rogatice, Sanskog Mosta, Sapne, Sarajeva, Srebrenika, Srpca, Tešnja, Tuzle, Visokog, Vlasenice, Zenice i Živinica.

Mladi i njihovi profesori će kreirati realne planove akcije koje je potrebno realizirati u lokalnim zajednicama BiH, kako bi stigma i predrasude sa kojima žive osobe zaražene HIV-om i oboljele od AIDS-a, bili sutra smanjeni a u bližoj budućnosti iskorijenjeni.

Mladi će kroz interaktivne radionice, kreativni rad i zajedničko druženje, kreirati materijale u kojima će pokazati svoja znanja i prezentirati vještine koje su usvojili tokom Seminara. Osnovni cilj radionica jeste povećanje svijesti o opasnostima koje HIV nosi i smanjenje stigme ljudi zaraženih HIV-om, odnosno oboljelih od AIDS-a.

Seminar je jedinstvena prilika za učesnike da, prije kraja školske godine, razmijene znanja o HIV-u i AIDS-u i na taj način doprinesu globalnoj akciji koju podržava UNDP – smanjenju stigme sa kojom se suočavaju zaraženi od HIV-a i oboljeli od AIDS-a.

Seminar je posebno značajan za podizanje svijesti javnosti jer se realizira u vremenskom periodu kada HIV i AIDS u medijima nisu aktualna tema. Iskreno se nadamo da će vaš medij prepoznati kontinuiranu aktualnost teme i da će preuzimanjem uloge informatora javnosti, cijeloj BiH prenijeti sve aspekte Seminara, na taj način osvještavajući javnost BiH o HIV/AIDS-u. **Kroz pomoć medija u kreiranju javne slike o zaraženima od HIV-a i oboljelima od AIDS-a, moguće je unaprijediti kvalitetu života zaraženih i oboljelih, i na taj način pokazati svijetu da BiH može i treba biti dio globalne akcije borbe protiv ovog opakog virusa i stravične bolesti.**



PROJEKAT: "Kroz debatu saznajmo više o HIV-u"

Empowered lives.
Resilient nations.